

للألتراس



الحرية

من يوم ١٣ اكتوبر واحنا بنحاول نعرف فين القضية
الحقيقة ان مفيش قضية .. مفيش ادلة اتهم .. مفيش تسجيلات اتفرغت من كاميرات
المراقبة .. و حرز الاتهام مجموعة من الاحزمة !!
دولة القانون والعدل اللي بتتكلموا عليها ليل ونهار يا ريت تبلوها وتشربوا مايتها لان لا
فى قانون ولا فى عدل
اي قانون اللي يخليك تحبس شباب ١٥ يوم من غير اى دليل لمجرد وجود مذكرة
تحريرات لو فى طفل قراها مش هيقدر يوصف كاتبها الا بالغباء
والاغرب تجديد الاحتجاز ١٥ يوم لنفس الاسباب !!
القضية كلها سياسية .. القصة كلها محاولة كسر الجروب وده مش هيحصل حتى فى
احلامكم

اولتراس اهلاوى قوتها مش فى قياداتها .. المجموعة قوتها فى اعضائها .. قوتها فى
ايمانهم بفكرة عمرها ما هتموت بموت ٧٤ ولا هتتحبس بحبس ٢٥ اولتراس اهلاوى
عمرها ما هتكون على هوى اى نظام لانها كانت وهتفضل بعيدة عن اى استقطاب
سياسى .. ومن بعد قضية شهداء مجزرة بورسعيد والمجموعة فى مكانها الطبيعى داخل
الاستاد .. واذا كان للمجموعة موقف هيكون مع الحق فى الدفاع عن الحرية اللي مش
على هوى الكثيرين

طوال الفترة الماضية والمجموعة بتحاول بشتى الطرق اتباع الطرق القانونية للافراج عن
اعضاءها المحتجزين .. من تقديم تظلم ضد قرار الاحتجاز ١٥ يوم ومن ثم تجديد
الاحتجاز مرة اخرى حتى الاستئناف الذى تم رفضه مؤخرا دون اى سند او سبب قانونى
الاولتراس مكانها المدرجات واذا كنتوا بتحاولوا تجروها للشارع تأكدوا انها هتسبب صدام
مزمّن ليكم مش هتكونوا قادرين على تحمله

سنسلك الطرق القانونية حتى اخر نفس واذا كان الظلم قانون سوف نضعه تحت اقدامنا
وعليه تقرر تجمع المجموعة وجمهور الاهلى والمتضامنين مع القضية يوم الاربعاء القادم
٦ نوفمبر امام النادى الاهلى بالجزيرة الساعة ١٢ ظهرها للتحرك بمسيرة اخرى ..